

傷寒雜病論集

論曰余每覽越人入虢之診望齊侯之色未嘗不慨然歎其才秀也

怪當今居世之士曾不畱神醫藥精究方術上以療君親之疾下以救貧賤之厄中以保身長全以養其生但競逐榮勢企踵權豪孜孜汲汲惟名利是務崇飾其末忽棄其本華其外而悴其內皮之不存毛將安附焉

卒然遭邪風之氣嬰非常之疾患及禍至而方震慄降志屈節欽望巫祝告歸天束手受敗賞百年之壽命持至貴之重器委附凡醫恣其所措咄嗟嗚呼

厥身已斃神明消滅變為異物幽潛重泉徒為啼泣痛夫舉世昏迷莫能覺悟不惜其命若是輕生彼何榮勢之云哉

而進不能愛人知人退不能愛身知己遇災值禍身居厄地蒙蒙昧昧悉若遊菟哀乎趨世之士馳競浮華不固根本忘軀狗物危若冰谷至於於是也

余宗族素多向餘二百建安紀年以來猶未十稔其外亡者三分有二傷寒十居其七感往昔之淪湮傷橫天之莫救乃勤求古訓博采衆方撰用素問九卷八十一難陰陽

大論胎臚藥錄并平脈證辨為傷寒雜病論合十六卷雖未能盡愈諸病庶可以見病知源若能尋余所集思過半矣

夫天布五行以運萬類人稟五常以有五藏經絡府俞陰陽會通玄冥幽微變化難極自非才高識妙豈能探其理致哉

上古有神農黃帝岐伯伯高雷公少俞少師仲文中世有長桑扁鵲漢有公乘陽慶及倉公下此以往未之聞也

觀今之醫不念思求經旨以演其所知各承家技終始順舊省疾問病務在口給相對斯須便處湯藥按寸不及尺握手不及足人迎跌陽三部不參動數發息不滿五十短期未知決診九候曾無髣髴明堂闕庭盡不見察所謂窺管而已

夫欲視外別生實為難矣孔子云生而知之者上學則亞之多聞博識知之次也余宿尚方術請事斯語漢長沙守南陽張機著

尚方術請事斯語漢長沙守南陽張機著